

欽定大清會典事例

欽定大清會典事例卷一千八十三

太常寺

陳設

太廟

天壇

社稷壇

地壇

日壇

孔子廟

月壇

關帝廟

歷代帝王廟

文昌廟

先師

先農壇

太歲壇

天壇○

圓丘

皇天上帝正位天青緞圓幄次一座。幄內設刻金龍座

一。鋪天青織金龍緞坐褥。隨衣搭一。天青織金

龍緞迎手二。靠背一。仙枕二。坐褥上設泥金圓

托座一。座下設地平一。腳踏一。施天青緞套衣。
座前設邊豆案一。施天青織金龍緞罩衣。上設
爵墊一。金鑲青羊角鐙二。登一。簋簋各二。邊豆
各十二。金絲鐙二。青羊角座鐙四。幄前兩旁設
鑪几左右各一。上設銅鑪各一。幄前設俎一。內
盛犢一。前石五供一。上設銅龍香鑪一。銅龍燭
臺二。銅龍花瓶二。上插貼金靈芝。前鑪几一。鐙
几左右各一。上設金鑪一。靠具。青羊角觥鐙二。
幄前左旁設饌卓一。施天青織金龍緞罩衣。上

設饌盤一。

實饌每品少許
於盤內下同。

列聖配位。天青緞方幄。次八座。幄內各設刻金龍座一。鋪天青織金龍緞坐褥。隨衣搭一。天青織金龍緞靠背一。坐褥上設泥金方托座一。座下設地平一。腳踏一。施天青緞套衣。座前設籩豆案一。施天青織金龍緞罩衣。上設爵墊一。登一。簋簋各二。籩豆各十二。金絲鐙二。青羊角座鐙四。幄前設俎一。內盛犢一。鑪几一。鐙几左右各一。上設金鑪一。靠具。青羊角魷鐙二。幄外北旁設饌卓一。施天青織金龍緞罩衣。上設饌盤一。上成正中少西設祝案一。上設祝版架一。羊角鐙一。

東設福胙卓一。上設壺一。實福酒盤一。實胙肉。尊卓一。上設青瓷尊一。疏布幕勺具。實酒八瓶。金裏匏爵三。檀香爵托具。又尊卓一。上設青瓷尊四。疏布幕勺具。各實酒八瓶。金裏匏爵十二。檀香爵托具。接卓一。上設

正位玉帛篚一。內盛蒼璧一。青色郊祀制帛十二端。香盒一。內盛描金龍圓柱沈香一炷。沈香餅十二圓。門鑪香盒一。內盛降香餅十二圓。

配位帛篚八。內各盛白色奉先制帛一端。香盒八。內各盛描金龍圓柱沈速香一炷。沈速塊香五十塊。

西尊卓一。陳設與東同。接卓一。上設

正位門鑪香盒一。內盛降香餅十二圓。餘陳設與東同。
以上祝案。昨卓尊卓接卓。施天青銷金緞罩衣。
大明位。天青緞方幄次一座。幄內設座一。爵卓一。上
設爵墊一。青瓷琖二十。籩豆案一。上設登一。簋
籩各二。籩豆各十。左右燭臺二。青羊角座鐙四。
幄前設俎一。內盛牛一。鑪几一。鐙几左右各一。
上設銅鑪一。靠具。青羊角魷鐙二。幄外南設饌
卓一。上設饌盤一。

夜明位陳設同。

星辰位。天青緞方幄次一座。幄內設座一。爵卓一。上設爵墊一。青瓷瓊三十。籩豆案一。上設登一。鉶簋各二。籩豆各十。左右燭臺二。青羊角座。鐙四。幄前設俎一。內盛牛一。羊一。豕一。鑪几一。鐙几左右各一。上設銅鑪一。靠具。青羊角。魴。鐙二。幄外南設饌卓一。上設饌盤一。

雲雨風雷位陳設同。二成東設尊卓二。上各設青瓷尊一。疏布幕勺具。各實酒六瓶。青瓷爵各三。接卓二。上各設帛篚一。一盛赤色禮神制帛一端。一盛青黃赤黑色制帛各一端。白色制帛七端。

各設香盒一。一盛圓柱降香一炷。降塊香二十
七塊。一盛圓柱降香一炷。降塊香二十五塊。西
設尊卓二。上各設青瓷尊一。疏布褙勺具。各實
酒六瓶。青瓷尊各三。接卓二。上各設帛篚一。一
盛白色禮神制帛一端。一盛青黃白黑色制帛
各一端。各設香盒一。一盛圓柱降香一炷。降塊
香二十四塊。一盛圓柱降香一炷。降塊香二十
五塊。以上各卓。均施天青銷金緞罩衣。

壇上大鼎鑪十二座。四樞星門。四天門。銅鑪各一。香卓
各一。均施天青銷金緞罩衣。上設香盒各一。內

各盛降香二兩。內壇外東南燔柴鑪一。瘞坎一。
燎鑪六。西南望鐙杆三。外壇東西燎鑪各二。

祈穀壇陳設一切器皿。惟

正位

配位無幄次。無

四從位。東接卓

正位玉帛篚內盛蒼璧一。天青告祀制帛一。餘俱與

園丘同。

地壇。

皇地祇正位。明黃緞方幄次一座。幄內設刻金鳳座一。

鋪明黃織金鳳緞坐褥。隨衣搭一。明黃織金鳳
迎手二。靠背一。仙枕二。坐褥上設泥金方托座
一。座下設地平一。脚踏一。施明黃片金緞套衣。
座前設籩豆案一。施明黃織金鳳緞罩衣。上設
爵墊一。登一。簋簋各二。籩豆各十二。金絲鐙二。
幄內外黃羊角座鐙各二。幄前設俎一。內盛犢
一。鑪几一。鐙几二。上設金鑪一。靠具黃羊角魀
鐙二。幄前西旁設饌卓一。施明黃銷金鳳緞罩
衣。上設饌盤一。

列聖配位。明黃緞方幄。次八座。幄內各設刻金龍座一。

鋪明黃織金龍緞坐褥隨衣搭一。明黃織金龍緞靠背一。坐褥上設泥金方托座一。座下設地平一。脚踏一。施明黃片金緞套衣。座前設籩豆案一。施明黃織金龍緞罩衣。上設爵墊一。登一。簠簋各二。籩豆各十二。金絲鐙二。幄內外黃羊角座鐙各二。幄前設俎一。內盛犢一。鑪几一。鐙几左右各一。上設金鑪一。靠具黃羊角魷鐙二。幄外南旁設饌卓一。施明黃銷金龍緞罩衣。上設饌盤一。上成子階少西設祝案一。上設祝版架一。羊角鐙一。西設福胙卓一。上設壺一。實福

酒盤一。實胙肉尊卓一。上設黃瓷尊一。疏布幕
勺具。實酒八瓶。金裏匏爵三。檀香爵托具。又尊
卓一。上設黃瓷尊四。疏布幕勺具。各實酒八瓶。
金裏匏爵十二。檀香爵托具。接卓一。上設

正位五帛篚一。內盛黃琮一。黃色郊祀制帛一端。香盒
一。內盛方柱降香一炷。細攢香八兩。

配位帛篚八。內各盛白色奉先制帛一端。香盒八。內各
盛方柱降香一炷。細攢香四兩。東尊卓一。接卓
一。陳設與西同。以上祝案胙卓尊卓接卓。均施
明黃銷金緞罩衣。

五。裁位。明黃緞方幄。次一座。幄內設石座一。爵卓一。上設爵墊一。黃瓷琖三十。籩豆案一。上設登一。銅簋簋各二。籩豆各十。左右燭臺二。幄內外黃羊角座。鐙各二。幄前設俎一。內盛牛一。羊一。豕一。鑪几一。鐙几二。上設銅鑪一。靠具。黃羊角觥。鐙二。幄外北旁設饌卓一。上設饌盤一。尊卓一。上設黃瓷尊一。疏布幕。勺具。實酒六瓶。黃瓷爵三。接卓一。上設帛篚一。內盛青黃赤黑禮神制帛各一端。白色禮神制帛四端。香盒一。內盛方柱降香一炷。細攢香二兩。

五鎮位。帛篚內盛青黃赤黑禮神制帛各一端。白色禮神制帛三端。

四海位。帛篚內盛青赤白黑禮神制帛各一端。

四瀆位。帛篚內盛黑色禮神制帛四端。餘陳設均與五嶽同。以上爵卓、籩豆卓、尊卓、接卓，均施明黃銷金緞罩衣。

壇上大鼎鑪四座。四櫺星門、四天門、銅鑪各一。香卓各一。均施明黃銷金緞罩衣。上設香盒各一。內盛降香二兩。內壇外東北望鐙杆一。西北瘞坎一。燎鑪一。壇東西門外南北瘞坎各二。

太廟。

太廟後殿。

肇祖原皇帝。

原皇后同案。正中南嚮座二。鋪墊靠背具。上各設泥金方托座一。下各設腳踏二。施黃雲緞套衣。前設邊豆案一。上設爵墊二。金箸四。金匙二。登鉶簋。盞各二。邊豆各十二。前設俎一。內盛牛一。羊一。豕一。花香案一。上設鍍金銅鑪一。靠具。銅燭臺二。

興祖直皇帝。

直皇后同案。左南嚮座二。

景祖翼皇帝

翼皇后同案。右南嚮座二。

顯祖宣皇帝

宣皇后同案。次左南嚮座二。各座陳設同。中案前少西

設祝案一。上設祝版架一。羊角鎰一。東設尊卓

二。上設尊四。疏布罩勺具。春用犧尊。每尊實酒

二瓶。夏用象尊。每尊實酒三瓶。秋用著尊。每尊

實酒八瓶。冬用壺尊。每尊實酒六瓶。玉爵十二。

接卓二。上設帛篚二。內各盛白色奉先制帛二。

端香盒二。內各盛圓柱沈速香一炷。沈速塊香五十塊。西設尊卓二。接卓二。陳設均與東同。統設金器案四。上各設金盃一。金壺一。暖閣內各設金盆二。凡卓案均施黃雲緞罩衣。

太廟前殿。

太祖高皇帝

孝慈高皇后同案。正中南嚮座二。鋪墊靠背具。上各設泥金方托座一。下各設脚踏二。施黃雲緞套衣。前設邊豆案一。上設爵墊二。金箸四。金匙二。登銅簋簋各二。邊豆各十二。前設俎一。內盛牛一。

羊一。豕一。花香案一。上設鍍金銅鑪一。靠具。燭臺二。

太宗文皇帝

孝端文皇后

孝莊文皇后同案。中左南嚮座三。

世祖章皇帝

孝惠章皇后

孝康章皇后同案。中右南嚮座三。前案均設爵墊三。金

箸六。金匙三。

聖祖仁皇帝

孝誠仁皇后

孝昭仁皇后

孝懿仁皇后

孝恭仁皇后同案。西嚮座五。前案設爵墊五。金箸十。金

匙五。

世宗憲皇帝

孝敬憲皇后

孝聖憲皇后同案。東嚮座三。

高宗純皇帝

孝賢純皇后

孝儀純皇后同案。東次西嚮座三。

仁宗睿皇帝

孝淑睿皇后

孝和睿皇后同案。西次東嚮座三。前案均設爵墊三。金

箸六。金匙三。

宣宗成皇帝

孝穆成皇后

孝慎成皇后

孝全成皇后

孝靜成皇后同案。東次西嚮座五。前案設爵墊五。金箸

十。金匙五。

文宗顯皇帝

孝德顯皇后

孝貞顯皇后同案。西次東嚮座三。前案設爵墊三。金箸

六。金匙三。

穆宗毅皇帝

孝哲毅皇后同案。東次西嚮座二。前案設爵墊二。金箸

四。金匙二。餘陳設均與

太祖高皇帝座前同。中案前少西設祝案一。上設祝版

架一。羊角鐙一。東設福胙卓一。上設壺一。實福

酒盤一。實胙肉。尊卓六。上設尊二十。疏布罩勺具。四時實酒與。

後殿同。玉爵六十。接卓六。上設帛篚六。二盛白色奉先。制帛各二端。二盛白色奉先。制帛各三端。二盛白色奉先。制帛各五端。香盒六。內各盛圓柱沈速香一炷。沈速塊香五十塊。統設金器案十。上各設金盃一。金壺一。統設座鐙二。西設接福胙卓一。尊卓四。上設尊十二。疏布罩勺具。各實酒如式。玉爵三十六。接卓四。上設帛篚四。內各盛白色奉先。制帛三端。香盒四。內各盛圓柱沈速

香一炷。沈速塊香五十塊。凡卓案均施黃雲緞單衣。前設鑪几。左右各十二。上設銅鼎鑪二十四。內二次點用柱香各六炷。座後靠案左右各二。凡暖閣內各設金盆一。東廡王位十二案。座十五。設邊豆案十二。上設鉶每座各一。簋簋各二。邊豆各十。每案設俎一。內盛牛一。羊一。豕一。花香案一。上設銅鑪一。靠具。銅燭臺二。南設尊卓三。上設白瓷尊八。疏布罽勺具。各實酒四瓶。白瓷爵三十六。接卓一。上設帛篚十二。內分盛白色展親制帛十五端。香盒十二。內各盛圓柱

沈速香一炷。馬牙香一兩。凡卓案均施紅雲緞罩衣。西廡功臣位十三案。設蓮豆案十三。上設銅簋簋各一。蓮豆各四。俎一。內盛羊一。豕一。花香案一。上設銅鑪一。靠具。銅燭臺二。南設尊卓三。上設白瓷尊八。疏布幕勺具。各實酒二瓶。白瓷爵三十九。接卓一。上設帛篚十三。內各盛報功制帛一端。香盒十三。內各盛圓柱沈速香一炷。馬牙香一兩。凡卓案均施紅緞罩衣。

社稷壇。

太社位東。

太稷位西。俱北嚮。

后土句龍氏位東。設西嚮。

后稷氏位西。設東嚮。各設座一。前爵卓一。上設爵墊一。登一。鉶二。邊豆案一。上設簋簋各二。邊豆各十二。俎一。內盛牛一。羊一。豕一。花香案一。上設銅鑪一。靠具。羊角觥。鐙二。饌卓一。上設饌盤一。子階下。少西設祝案一。上設祝版架一。羊角鐙一。東設尊卓一。上設尊二。疏布。冪。勺具。一實酒八瓶。一實酒六瓶。玉爵一。瓷爵五。接卓一。上設帛篚二。一盛黃珪一。各盛黑色禮神制帛一端。

香盒二。各盛方柱降香一炷。降塊香四十塊。福
胙卓一。上設壺一。實福酒。盤一。實胙肉。西設尊
卓一。接卓一。惟帛篚內盛青珪一。餘陳設與東
同。午階下設豫備風雨神龕四。左右設長竿各
一。東西南樞星門香案各一。上各設銅鑪一。香
盒二。香盒內各盛降香二兩。凡卓案均施黃雲
緞罩衣。

日壇。

大明位座一。上設紅絨緞織金龍坐褥。隨衣搭一。靠
背一。扶手二。座上設金龍方托座一。座下設地

平一脚踏一。施紅粧緞套衣。前設爵卓一。上設爵墊一。瓷瓊三十。遵豆案一。上設登一。銅盞盂各二。遵豆各十。俎一。內盛牛一。羊一。豕一。鑪几一。鐙几二。上設銅鑪一。靠具。白羊角。就鐙二。東南隅設饌卓一。上設饌盤一。少北設祝案一。上設祝版架一。羊角鐙一。南設尊卓一。上設尊一。疏布。罍勺具。實酒六瓶。爵三。接卓一。上設玉帛篚一。盛赤璧一。紅色禮神制帛一端。香盒一。內盛圓柱降香一炷。降塊香二十七塊。以上卓案均施紅銷金緞罩衣。福昨卓一。上設壺一。實福。

酒盤一。實胙肉。爵一。北設接福胙卓一。均施紅素緞罩衣。東階下正中設豫備風雨神龕一。左右設長竿各一。四樞星門香案各一。西北二天門香案各一。上各設銅鑪一。香盒一。內各盛降香二兩。香案均施紅銷金緞罩衣。

月壇○

夜明位。月白絹方幄次一座。幄內設座一。上施月白緞織金鳳坐褥。隨衣搭一。靠背一。扶手二。座上設金鳳方托座一。座下設地平一。腳踏一。施月白緞套衣。前設爵卓一。上設爵墊一。瓷瓊三十。

邊豆案一。上設登一。銅簋各二。邊豆各十。俎一。內盛牛一。羊一。豕一。鑪几一。鐙几二。上設銅鑪一。靠具。白羊角觥。鐙二。帷外左旁設饌卓一。上設饌盤一。

星辰位。月白絹方幄次一座。幄內設座一。前設爵卓一。邊豆案一。俎一。鑪几。鐙几。饌卓。陳設均與

夜明位同。正中少南設祝案一。上設祝版架一。北設福胙卓一。上設壺一。實福酒。盤一。實胙肉。爵一。尊卓一。上設尊二。疏布。冪勺具一。實酒六瓶。一實酒四瓶。爵六。接卓一。上設帛篚二。一盛白璧。

一。白色禮神制帛一端。一盛青赤黑黃色禮神制帛各一端。香盒二。一盛圓柱降香一炷。降塊香二十四塊。一盛圓柱降香一炷。降塊香二十五塊。南設接福胙卓一。四樵星門設香案各一。東北二天門設香案各一。上各設銅鑪一。香盒一。內各盛降香二兩。以上南北胙卓施月白素緞罩衣。餘均施月白銷金緞罩衣。

歷代帝王廟。殿內中龕

三皇位。設邊豆案三。每案上設爵墊一。登一。銅簋盞各二。籩豆各十。統設俎一。花香案三。遇

親詣行禮。改用高香案。每案設銅鑪一。靠具。銅燭臺
二。東一龕。

五帝位。統設邊豆案三。俎一。花香案三。西一龕。
夏王十四位。

商王二十六位。統設邊豆案二。俎一。花香案二。東二
龕。

周王三十二位。設邊豆案一。俎一。花香案一。西二龕。
漢帝十九位。

晉帝七位。

宋帝三位。

齊帝一位。

魏帝八位。

陳帝二位。統設遵豆案三。俎一。花香案三。東三龕。

唐帝十六位。

後唐帝一位。

後周帝一位。

遼帝六位。

宋帝十四位。統設遵豆案三。俎一。花香案三。西三龕。

金帝六位。

元帝十一位。

明帝十三位。統設蓮豆案三。俎一。花香案一。每案陳設均與中龕同。俎皆盛牛一。羊一。豕一。中案前少西設祝案一。上設祝版架一。羊角鐙一。遇

親詣行禮。則增設福胙卓一。上設壺一。實福酒盤一。實胙肉。東設尊卓二。上設銅尊四。疏布幕勺具。各實酒六瓶。銅爵三十。接卓一。上設帛篚十。內分盛白色禮神制帛七十八。每位一端。每案共實一篚。香盒十。內各盛圓柱降香一炷。降香丁一兩五錢。左旁饌卓四。上設饌盤各一。西設尊卓一。上設銅尊三。疏布幕勺具。各實酒六瓶。銅

爵二十四。接卓一。上設帛篚八。內分盛白色禮
神制帛一百有十。香盒八。內各盛圓柱降香一
炷。降香丁一兩五錢。右旁設饌卓三。上設饌盤
各一。凡卓案均施黃雲緞罩衣。東廡一龕。前代
名臣四十一位。統設遵豆案十。每案設銅爵十
二。銅二。簋二。各一。遵豆各四。統設俎二。內各盛
羊一。豕一。統設花香案四。每案設銅鑪一。靠具。
銅燭臺二。南設尊卓一。上設銅尊二。疏布罩勺
具。各實酒六瓶。香盒四。內各盛圓柱降香一炷。
降香丁一兩五錢。帛篚四。內分盛素帛四十一

端北設饌卓一。上設饌盤二。西廡一龕。前代名臣四十位。統設邊豆案十。帛篚內分盛素帛四十端。餘陳設均與東同。凡卓案均施紅雲緞罩衣。

先師孔子廟。

正位前設邊豆案一。上設爵墊一。登一。鉶簋簋各二。邊豆各十。燭臺二。俎一。內盛牛一。羊一。豕一。香案一。上設銅鑪一。靠具。燭臺二。前列石五供一分。上設鑪一。燭臺二。花瓶二。均插貼金木靈芝。周范案一。設鼎尊。卣罍。壺簋。盃爵。洗各一。龕

東設饌卓一。上設饌盤一。過。

親詣行禮。增設香几一。上設漆金銅鑪一。

四配位前。設邊豆案四。每案上設爵墊一。銅簋簋各二。邊豆各八。俎四。內各盛羊一。豕一。香案四。各設銅鑪一。靠具。燭臺二。龕旁設饌卓各一。上設饌盤一。

十二哲位前。東設邊豆案六。每案上設爵墊一。銅爵三。銅簋簋各一。邊豆各四。銅鑪一。靠具。銅燭臺二。統設俎一。內盛羊一。豕一。統設案一。上設爵墊一。鑪一。靠具。燭臺二。龕北設饌卓一。上設

饌盤一。西陳設均與東同。殿中少西設祝案一。上設祝版架一。羊角鐙一。東設尊卓一。接卓一。上設尊四。疏布罽勺具一。實酒六瓶。餘各實酒四瓶。銅爵十二。照燭臺一。香盒四。內各盛圓柱降香一炷。降香丁一兩五錢。遇

親詣行禮則增設鍍金銀爵一。鍍金銅爵二。香盒內增降塊香四十塊。帛篚四。內分盛白色禮神制帛九端。西尊卓一。接卓一。上設尊三。疏布罽勺具。各實酒四瓶。銅爵九。照燭臺一。香盒三。各盛圓柱降香一炷。降香丁一兩五錢。帛篚三。內分

盛白色禮神制帛八端。凡卓案均施紅銷金緞罩衣。東廡七十四位。設邊豆案三十七。每位設爵一。每案設簋簋各一。邊豆各四。鑪一。燭臺二。統設俎三。內各盛羊一。豕一。總香案二。各設銅鑪一。燭臺二。饌卓二。上設饌盤各一。尊卓一。上設銅尊三。疏布簾勺具。各實酒四瓶。銅爵六。香盒二。內各盛圓柱降香一炷。降香丁一兩五錢。帛篚二。內各盛白色禮神制帛一端。照燭臺一。西廡七十三位。邊豆案三十七。陳設與東廡同。凡卓案均施紅緞罩衣。

宗聖祠正位。邊豆案五。每案設鉶簋簋各二。邊豆各八。鑪一。燭臺二。俎五。內各盛羊一。豕一。東西設饌卓五。上設饌盤各一。

配位邊豆案五。東三案。西二案。每案設鉶簋簋各一。邊豆各四。鑪一。燭臺二。俎東西各一。內各盛羊一。豕一。饌卓東西各一。上各設饌盤一。殿內少西設祝案一。上設祝版架一。燭臺一。東西設尊卓接卓各二。上設尊七。疏布。冪勺具。內五尊。各實酒四瓶。二尊各實酒二瓶。銅爵三十。東西照燭臺各一。香盒十。內各盛圓柱降香一炷。降

香丁一兩五錢。帛篚十。內各盛白色禮神制帛
一端。東廡。蓮豆案二。每案設盞。盞各一。邊豆各
四。鑪一。燭臺二。俎一。內盛羊一。豕一。饌卓一。上
設饌盤一。尊卓一。上設銅尊一。疏布。簞勺具。實
酒二瓶。銅爵六。香盒一。內盛圓柱降香一炷。降
香丁一兩五錢。帛篚一。內盛白色禮神制帛一
端。照燭臺一。西廡。蓮豆案一。銅爵三。餘陳設與
東廡同。凡卓案均施紅緞罩衣。

關帝廟。

關帝位。蓮豆案一。上設爵墊一。登一。銅盞。盞各二。邊

豆各十。俎一。內盛牛一。羊一。豕一。鑪几一。上設

香鑪一。靠具。鐙几二。上設燭臺二。東設饌卓一。

上設饌盤一。案前少西設祝版案一。上設祝版

架一。羊角鐙一。尊卓一。上設銅尊一。罍勺具。實

酒四瓶。銅爵三。帛篚一。內盛白色禮神制帛一

端。香盒一。內盛圓柱降香一炷。降香丁一兩五

錢。凡卓案均施黃雲緞罩衣。東階下設洗一。

後殿邊豆案三。各設銅簋各二。邊豆各八。旁各設

饌盤一。俎三。各設羊一。豕一。香案三。各設香鑪

一。靠具。燭臺二。花瓶二。均插貼金木靈芝。正案

少西設祝版案一。上設祝版架一。把鐙一。東尊卓二。上設銅尊二。冪勺具。各實酒二瓶。銅爵六。帛篚二。香盒二。西尊卓一。上設銅尊一。冪勺具。實酒二瓶。銅爵三。帛篚一。篚內均盛白色禮神制帛一端。香盒一。內盛圓柱降香一炷。降香丁一兩五錢。凡卓案均施紅緞罩衣。門內甬路東設洗一。

文昌廟。

文昌位。邊豆案一。上設爵墊一。登一。銅簋各二。邊豆各十。俎一。內盛牛一。羊一。豕一。鑪几一。上設

香鑪一。靠具。鐙几二。上設燭臺二。瓶几二。上設
花瓶二。均插貼金木靈芝。東設饌卓一。上設饌
盤一。案前少西設祝版案一。上設祝版架一。羊
角鐙一。東設尊卓一。上設銅尊一。罍勺具。實酒
四瓶。銅爵三。帛篚一。內盛白色禮神制帛一端。
香盒一。內盛圓柱降香一炷。降香丁一兩五錢。
凡卓案均施黃雲緞罩衣。

後殿。邊豆案一。上設銅簋各二。邊豆各八。俎一。內
盛羊一。豕一。鑪几一。上設香鑪一。靠具。鐙几二。
上設燭臺二。東設饌卓一。上設饌盤一。案前少

西設祝版案一。上設祝版架一。把盞一。東設尊卓一。上設銅尊一。冪勺具。實酒二瓶。銅爵三。帛篚一。內盛白色禮神制帛一端。香盒一。內盛圓柱降香一炷。降香丁一兩五錢。凡卓案均施紅緞罩衣。

前後殿東階下各設洗一。

先農壇。

先農位。金黃銷金綾方幄一座。幄內設座一。座前設爵卓一。上設瓷琖三十。蓮豆案一。上設爵墊一。登一。銅簋各二。蓮豆各十。俎一。內盛牛一。

羊一。豕一。鑪几一。鐙几二。上設銅鑪一。靠具。白
羊角魴鐙二。幄外東旁設饌卓一。上設饌盤一。
幄前少西設祝案一。上設祝版架一。東設福胙
卓一。上設爵一。實福酒盤一。實胙肉尊卓接卓
各一。上設黃瓷尊一。疏布冪勺具。實酒六瓶。黃
瓷爵三。帛篚一。內盛青色禮神制帛一端。香盒
一。內盛圓柱降香一炷。降塊香四十塊。東西南
北四天門香案各一。上各設銅鑪一。香盒一。內
各盛降香二兩。凡卓案均施金黃綾單衣。

太歲壇。

太歲位一案。設座一。前邊豆案一。上設瓷琖三十。登
一。銅簋簋各二。邊豆各十。俎一。內盛牛一。羊一。
豕一。鑪几一。上設鑪一。靠具。鐙几二。上設燭臺
二。瓶几二。上設花瓶各一。均插貼金木靈芝。東
旁設饌卓一。上設饌盤一。少西設祝案一。上設
祝版架一。羊角鐙一。東設尊卓一。上設尊一。疏
布幕勺具。實酒六瓶。爵三。帛篚一。內盛白色禮
神制帛一端。香盒一。內盛圓柱降香一炷。降塊
香二十塊。壺一。實福酒盤一。實胙肉。爵一。東廡
二案。設座六。邊豆案二。上各設瓷琖三十。登一。

銅簋簋各二。邊豆各十。俎二。內各盛牛一。羊一。
豕一。鑪几二。上設鑪各一。靠具。鐙几四。上設燭
臺各一。瓶几四。上設花瓶各一。均插貼金木靈
芝。北旁設饌卓二。上設饌盤各一。南設尊卓一。
上設尊二。疏布罩勺具。各實酒四瓶。爵六。帛篚
二。內各盛白色禮神制帛三端。香盒二。內各盛
圓柱降香一炷。降香丁一兩五錢。西廡二案。陳
設與東廡同。北天門香案一。拜殿內香案一。上
各設香盒一。內各盛降香二兩。以上卓案均施
金黃銷金綾罩衣。

欽定大清會典事例卷一千八十四

太常寺

陳設 屏祀

羣祀 ○

先賢廟

三皇位三案。蓮豆案三。每案設銅簠簋各二。蓮豆各十。統設俎一。內盛牛一。羊一。豕一。花香案三。各陳香鑪一。靠具。燭臺二。東配位蓮豆案一。上設銅二。簠簋各二。蓮豆各十。香鑪一。靠具。燭臺二。俎一。內盛羊一。豕一。西配位陳設與東配位同。

東設饌卓二。西設饌卓一。統設饌盤五。中案少
西設祝版案一。上設祝版架一。羊角鐙一。東尊
卓一。接卓二。上設銅尊一。罍勺具。實酒四瓶。銅
爵九。帛篚三。內二篚各盛禮神制帛一端。一篚
盛素帛一端。香盒三。西尊卓一。接卓二。上設銅
尊一。罍勺具。實酒四瓶。銅爵六。帛篚二。內一篚
盛禮神制帛一端。一篚盛素帛一端。香盒二。東
廡。蓮豆案三。上各陳棧十。簋簋各一。蓮豆各四。
盤二。各實豕肉一方。北設饌卓一。南設尊卓一。
中案另設香案一。上設香鑪一。漆具。燭臺二。左

右兩案香鑪燭臺。即設於邊豆案。卓設銅尊一。
罍勺具。賓酒四瓶。銅爵三。帛篚一。內盛素帛一。
端香盒一。凡香盒各成圓柱降香一炷。降香丁
一兩五錢。饌卓設饌盤。西廡陳設與東廡同。凡
卓案均施紅銷金緞罩衣。咸濟門內設洗一。

火神廟。

火神位果案一。上設果實五盤。俎一。內盛牛一。羊
一。豕一。鑪几一。上設香鑪一。靠具。鐙几二。上設
燭臺二。瓶几二。上設花瓶二。均插貼金木靈芝。
少西設祝版案一。上設祝版架一。把鐙一。東設

尊卓一。上設白瓷尊一。罍勺具。實酒四瓶。接卓一。上設白瓷爵三。帛篚一。內盛紅色禮神制帛一端。香盒一。內盛圓柱降香一炷。降香丁一兩五錢。東階下少西設洗一。凡卓案均施紅雲緞單衣。

顯佑宮。

真武神位茶案一。果案一。上設饅首五盤。餅四盤。蒸糕五盤。頂花一朵。果實五盤。香案一。上設香爐一。靠具。燭臺二。少西設祝版案一。上設祝版架一。照燈一。東設香帛案一。上設帛篚一。內盛

白色禮神制帛一端。香盒一。內盛圓柱降香一炷。降香丁一兩五錢。白瓷琖三。東階下少南設洗一。祝版案施黃雲緞罩衣。香帛案施青雲緞罩衣。

東嶽廟。

東嶽神位果案一。果實五盤。俎一。內盛牛一。羊一。豕一。香案一。上設香鑪一。靠具。燭臺二。花瓶二。均插貼金木靈芝。少西設祝版案一。上設祝版架一。照燈一。尊卓一。上設白瓷尊一。罍勺具。寶酒四瓶。白瓷爵三。帛篚一。內盛青色禮神制帛。

一端。香盒一。內盛圓柱降香一炷。降香丁一兩五錢。東階下少南設洗一。祝版案施黃雲緞罩衣。卓案施紅雲緞罩衣。

都城隍廟。

萬壽聖節致祭

都城隍神。陳設均與

東嶽廟同。惟制帛用白色。尊爵用銅。凡案衣均施黃雲緞。至秋季致祭。添設籩豆案一。上設銅籩簋各二。籩豆各十。東旁饌卓一。上設饌盤一。餘均與

東嶽廟同。○黑龍潭

龍神祠。

龍神位。邊豆案一。上設籩簋各二。邊豆各十。俎一。
內盛羊一。豕一。前列石五供一分。上設香鑪一。
靠具。燭臺二。花瓶二。均插貼金木靈芝。北設饌
卓一。上設饌盤一。南設祝版案一。上設祝版架
一。羊角燈一。尊卓一。上設銅尊一。冪勺具。實酒
四瓶。銅爵三。帛篚一。內盛黑色禮神制帛一端。
香盒一。內盛圓柱降香一炷。降香丁一兩五錢。
東階下設洗一。祝版案施黃雲緞罩衣。卓案施

紅雲緞罩衣。○玉泉山

龍神祠陳設。無石五供。設香几一分。制帛用白色。餘與黑龍潭

龍神祠同。○昆明湖

龍神祠陳設。卓案几。鑪燭臺。香帛。祭品。祭器。均與玉泉山

龍神祠同。○白龍潭

龍神祠建於密雲縣。供奉

昭靈廣濟普澤龍神神牌。應用几案。香帛。祭品。祭器等項。均由該地方官照例備辦。○

惠濟祠建於

御園供奉

天后神牌。陳設與昆明湖

龍神祠同。

河神廟建於

惠濟祠之西。中龕供

淮瀆神牌。左龕供

金龍四大王神牌。右龕供

黃大王神牌。邊豆案三。上設簋簋各二。邊豆各十。

俎三。內各盛羊一。豕一。香几三。香鑪三。燭臺六。

花瓶六。東設饌卓一。上設饌盤三。尊卓二。東設銅尊二。銅爵六。帛篚香盒各二。西設銅尊一。銅爵三。帛篚香盒各一。尊內各實酒四瓶。帛篚一。內盛禮神制帛一端。香盒內各盛圓柱降香一炷。降香丁一兩五錢。餘與

惠濟祠同。

礮神。八旗礮位各設神座卓一。爵案一。設紅油錫琖三十。豫實以酒。俎一。內盛羊一。豕一。香案一。上設香鑪一。靠具。燭臺二。正案少北。設祝版案一。上設祝版架一。南設尊卓一。左三壇。右四壇。

各設尊卓一。上設紅油錫尊各一。幕勺具。寶酒各四瓶。紅油錫爵各三。香盒各一。內盛圓柱降香一炷。降香丁一兩五錢。西南隅設洗四。西北隅設洗四。壇位前各設燎鑪一。凡卓案均施黃布卓套。

子母礮神一案。陳設與八旗礮位正案同。○賢良祠前室二案。果案二。各設果實五盤。俎二。各盛羊一。豕一。銓鑪瓶五。供二分。東設祝版案一。上設祝版架一。羊角銓一。尊卓二。上設錫尊二。幕勺具。寶酒二瓶。錫爵六。紅油帛匣二。香盒二。後

祠果案五。各設果實五盤。統設俎一。內盛羊一。
豕一。鐙鑪瓶五。供一分。東設尊卓一。接卓一。上
設錫尊一。幕勺具。實酒二瓶。錫爵三。紅油帛匣
一。凡帛匣各盛白色素帛一端。香盒各盛圓柱
速香一炷。馬牙香一兩。前室東階上設洗一。後
祠院內東設洗一。凡卓案均施紅緞罩衣。○昭
忠祠前室正中一案。左右各三案。每案設果實
五盤。錫爵三。惟正案三爵。陳於尊卓。豫備進獻。
餘爵豫實以酒。統設俎三。各盛羊一。豕一。鑪鐙
瓶五。供三分。東設祝版案一。上設祝版架一。羊

角燈一。東設尊卓二。上設錫尊四。冪勺具。接卓二。上設帛篚二。各盛白色報功制帛二端。香盒二。西設尊卓二。上設錫尊三。冪勺具。接卓二。上設帛篚一。內盛白色報功制帛三端。香盒一。後正室果案五。每案設果實五盤。錫爵三。統設俎一。內盛羊一。豕一。鑪。鐙。瓶。五。供一分。東設尊卓二。上設錫尊三。冪勺具。接卓一。上設帛匣二。各盛白色報功制帛二端。香盒一。西設尊卓一。上設錫尊二。冪勺具。接卓二。上設帛匣一。內盛白色報功制帛一端。後左室果案三。每案設果實

五盤。錫爵三。統設俎一。內盛羊一。豕一。鑪。鐙。瓶。五供一分。東設尊卓一。上設錫尊二。罍。勺。具。接卓二。上設帛匣一。內盛白色報功制帛一端。香盒一。西設尊卓一。上設錫尊一。罍。勺。具。接卓一。上設帛匣二。各盛白色報功制帛一端。後右室三案。陳設與後左室同。前東配室果案五。每案設果實五盤。錫爵三。統設俎一。內盛羊一。豕一。鑪。鐙。瓶。五供一分。南設尊卓二。上設錫尊三。罍。勺。具。接卓二。上設帛匣三分。盛白色報功制帛五端。香盒一。北設尊卓一。上設錫尊二。罍。勺。具。

接卓一。上設香盒一。前西配室五案。陳設與前
東配室同。凡尊一。實酒二瓶。凡香盒一。盛圓柱
速香一炷。馬牙香一兩。前左序室果案七。每案
設果實五盤。豕肉一盤。錫爵三。香鑪燭臺一分。
統設尊卓四。上設錫尊七。罍勺具。接卓二。上設
香盒一。前右序室七案。陳設與前左序室同。東
廡果案三。每案設果實二盤。豕肉一盤。錫爵三。
香鑪燭臺一分。統設尊卓二。上設錫尊三。罍勺
具。接卓二。上設香盒一。西廡三案。陳設與東廡
同。正屋左配房果案五。每案設果實二盤。豕肉

一盤錫爵三。香鑪燭臺一分。統設尊卓二。設錫
尊五。罍勺具。接卓四。上設香盒一。正屋右配房
五案。陳設與左配房同。東旁羣房果案三。每案
設果實二盤。豕肉一盤。錫爵一。香鑪燭臺一分。
統設尊卓二。上設錫尊三。罍勺具。接卓二。上設
香盒一。西旁羣房三案。陳設與東旁羣房同。凡
尊一。實酒二瓶。凡香盒一。盛馬牙香一兩。前室
東階下設洗一。凡卓案均施紅緞罩衣。○獎忠
祠正位果案一。設果實五盤。俎一。內盛羊一。豕
一。鑪銜瓶五供一分。少東設祝版案一。上設祝

版架一。把燈一。尊卓一。接卓一。上設錫尊一。畢勺
具。實酒二瓶。錫爵三。紅油帛匣一。內盛白色報功
制帛一端。香盒一。內盛圓柱速香一炷。馬牙香一
兩。東階南設洗一。凡卓案均施紅緞罩衣。雙忠
祠。褒忠祠。顯忠祠。陳設果案。均與獎忠祠同。惟
旌勇祠設果案三。統設俎一。其餘每案均同。睿
忠親王。武壯王。宏毅公。文襄公。各一案。恪僖公。
過必勤襄公。各三案。恪僖公。哈什四案。每案各
設果實五盤。爵三。俎一。內盛羊一。豕一。鑪。鐙。瓶。
五供一分。每祭設祭文案一。恪僖公。過必勤襄

公各設尊卓三。接卓二。上設錫尊三。罍勺具。香

盒三。帛匣三。恪倍公。通必用白色素帛四端。勤

襄公用白色素帛七端。恪倍公。也哈什設尊卓四。

接卓二。上設錫尊四。罍勺具。香盒四。帛匣四。各

盛白色素帛二端。餘祠各設尊卓一。接卓一。上

設錫尊一。罍勺具。香盒一。帛匣一。武壯王用白

色報功制帛三端。睿忠親王用白色報功制帛

一端。宏毅公用白色素帛二端。文襄公用白色

素帛四端。凡香盒各盛圓柱速香一炷。馬牙香

一兩。凡尊各實酒二瓶。各祠門內之東均設洗

一。凡卓案均施紅緞罩衣。

欽定大清會典事例卷一千八十五

太常寺

支銷祭物一

祭物○

天壇每祭用描龍圓柱沈香一炷。沈香餅十二圓。降香餅二十四圓。描龍圓柱沈速香八炷。沈速塊香四百塊。圓柱降香五炷。細降香丁三兩。降香塊二十七塊。計重一兩。又二十四塊。計重一兩。又二十五塊。二分。計重二兩。降香丁八兩。降香沈速香速香各三塊。合重八兩一錢。粗降香五十

三斤十二兩。細塊沈香白檀香沈速香三樣計
重八兩。六兩重挂紅白蠟燭十八枝。五兩重二
十二枝。三兩重七十二枝。一斤重黃蠟燭十二
枝。六兩重八枝。三兩重三百四十四枝。二兩重
四十一枝。

親詣行禮。增用白檀香丁八兩。沈香丁四兩。沈速香
丁十二兩。降香丁三兩。九兩重挂紅白蠟燭二
枝。三兩重二枝。六兩重十八枝。二兩重二十枝。
孟夏用天青色告祀制帛一端。冬至用天青色
郊祀制帛十二端。均用天青色奉先制帛八端。

曰色禮神制帛九端。青黃赤黑禮神制帛各二端。牛十五隻。

親詣行禮。增用牝牛一隻。羊三隻。豬四口。鹿二隻。兔十三隻。黍米一斗一升八合。稷米一斗一升八合。稻米一斗一升八合。粱米一斗一升八合。糗餌粉養稻米四斗五升。飽食稻米九升。糝食稻米九升。白粳二十五斤。蕎麥二十五斤。小白菜三十五斤。冬至則用大白菜。青韭十二斤八兩。冬至則用芽韭。小芹菜十八斤八兩。冬至則用大芹菜。紅棗二十四斤六兩。栗二十九斤四兩。

榛二十一斤二兩。菱三十五斤十二兩。芡四十
二斤四兩。醢魚三十二斤八兩。大藁魚十三尾。
小藁魚十三尾。大筍二十六片。蔥一斤十兩。白
糖三斤四兩。椀子四兩。白蜜四兩。花椒茴香時
蘿各六兩。酒九十六瓶。洗魚酒三瓶。每瓶一斤
十二兩。鹽靛九斤四兩。白鹽一斤四兩。楊木枕
木架梁八根。碼口柴二千斤。蘆葦七百八十斤。
孟夏用木柴二千斤。木炭二十斤。淨冰一百八
十塊。胙牛木柴一百三十斤。冬至用木柴二千
五百斤。木炭二十四斤八兩。胙牛木柴一百五

十斤。燒炷木柴九千斤。

祈穀用描龍圓柱沈香一炷。描龍圓柱沈速香八炷。沈香餅十六圓。沈速香四百塊。降香五十三斤六兩。圓柱降香一炷。降香丁六兩。降香沈速香速香各三塊。合重八兩一錢。細降香丁三兩。沈香白檀香速香三樣。計重八兩。九兩重挂紅白蠟燭二枝。五兩重二十枝。六兩重十八枝。三兩重六十八枝。一斤重黃蠟燭十二枝。三兩重二百四十四枝。二兩重三十四枝。

親詣行禮。增用檀香丁八兩。沈香丁四兩。沈速香丁

十二兩。三兩重挂紅白蠟燭二枝。六兩重十八枝。二兩重十八枝。天青色告祀制帛一端。奉先制帛八端。牛十一隻。

親詣行禮。增用胙牛一隻。羊一隻。豬二口。鹿二隻。兔九隻。黍米九升。稷米九升。稻米九升。粱米九升。糗餌粉餈稻米四斗五升。鮑食稻米九升。糝食稻米九升。白麩十八斤。蕎麵十八斤。大白菜二十七斤。芽韭九斤。大芹菜十三斤八兩。紅棗十六斤十四兩。栗二十斤四兩。榛十四斤十兩。菱二十四斤十二兩。芡二十九斤四兩。醢魚二十

二斤八兩。大藁魚九尾。小藁魚九尾。大筍十八片。蔥一斤二兩。白糖二斤四兩。梔子四兩五錢。白蜜四兩五錢。花椒。茴香。蔣蘿各四兩五錢。酒七十二瓶。洗魚酒二瓶。每瓶一斤十二兩。鹽。靛六斤十二兩。白鹽一斤四兩。木柴一千七百四十斤。木炭十六斤四兩。楊木枕木架梁八根。碼口柴二千斤。蘆葦七百一十斤。牝牛木柴一百五十斤。燒炕木柴四千斤。

地壇用方柱降香十三炷。細攢香八兩重一分。四兩重八分。二兩重四分。降香丁八兩。粗降香二斤十

四兩。細塊沈香白檀香沈速香三樣。共重八兩。
六兩重挂紅白蠟燭十八枝。五兩重十八枝。三
兩重七十二枝。一斤重黃蠟燭八枝。六兩重八
枝。三兩重二百四十二枝。二兩重二十八枝。

親詣行禮。增用白檀香丁四兩。五兩重挂紅白蠟燭
二枝。三兩重二枝。二兩重四枝。黃色郊祀制帛
一端。奉先制帛八端。青色禮神制帛三端。黃色
禮神制帛三端。白色禮神制帛八端。赤色禮神
制帛三端。黑色禮神制帛七端。牛十四隻。

親詣行禮。增用牝牛一隻。羊五隻。豬六口。鹿二隻。兔

十三隻。黍米一斗一升八合。稷米一斗一升八合。稻米一斗一升八合。粱米一斗一升八合。糗粉。養稻米四斗五升。飽食稻米九升。糝食稻米九升。白麵二十五斤。蕎麵二十五斤。小白菜三十五斤。青韭十二斤八兩。小芹菜十八斤八兩。紅棗二十四斤六兩。栗二十九斤四兩。榛二十一斤二兩。菱三十五斤十二兩。芡四十二斤四兩。鮓魚三十二斤八兩。大蘆魚十三尾。小蘆魚十三尾。大筍二十六片。蔥一斤十兩。白糖三斤四兩。梔子四兩。白蜜四兩。花椒。茴香。蔞。各

六兩。酒九十六瓶。洗魚酒三瓶。每瓶一斤十二兩。鹽甓九斤四兩。白鹽一斤四兩。木柴二千斤。木炭十五斤。淨冰二百八十四塊。蘆葦六十五斤。胙牛木柴一百三十斤。淨冰十塊。

太廟時饗。祭。每祭用圓柱沈速香十四炷。沈速塊香七百塊。圓柱速香二十五炷。馬牙香二十五兩。細沈速香十四兩。粗沈速香十二兩。細塊沈香白檀香沈速香三樣。共重四兩。柱香一百四十。四炷。十兩重挂紅白蠟燭二十八枝。五兩重二十八枝。十兩重墩子蠟燭二十八枝。三兩重挂

紅白蠟燭二十四枝。三兩重白蠟燭七枝。一斤重黃蠟燭八枝。三兩重二百五十枝。二兩重六十二枝。

親詣行禮。四孟時饗禘祭。各增用五兩重挂紅白蠟燭二枝。三兩重二枝。二兩重十八枝。奉先制帛四十端。展親制帛十五端。報功制帛十三端。牛二十八隻。

親詣行禮。增用胙牛一隻。羊四十隻。豬四十二口。鹿三隻。兔三十九隻。黍米二斗七升六合。稷米二斗七升六合。稻米二斗七升六合。梁米二斗七

升六合。糗餌粉。養稻米七斗。鮑食稻米一斗四升。粳食稻米一斗四升。白麩四十九斤。蕎麥四十九斤。大白菜九十二斤。夏秋則用小白菜。芽韭二十四斤。八兩。夏秋則用青韭。大芹菜五十二斤。四兩。夏秋則用小芹菜。紅棗七十斤。粟八十四斤。十兩。榛四十二斤。四兩。菱七十一斤。八兩。茨八十四斤。八兩。醢魚六十七斤。八兩。大藁魚二十六尾。大筍五十二片。蔥四斤。十四兩。白糖六斤。八兩。梔子七兩。白蜜七兩。香油三斤。孟春用酒一百二十八瓶。孟夏用酒一百六十八

瓶。孟秋用酒三百六十八瓶。孟冬用酒二百八十八瓶。禘祭用酒一百六十八瓶。均用洗魚酒三瓶。每瓶一斤十二兩。春夏暨禘祭用鹽甑十九斤十二兩。白鹽一斤四兩。秋冬用鹽甑十九斤十二兩。白鹽一斤八兩。木柴。春冬用七千一百九十二斤。夏秋用五千五百五十二斤。木炭。春用三十八斤十二兩。夏秋冬用十三斤十二兩。蘆葦均用二百四十斤。淨冰。夏用三百五十塊。秋用四百二十五塊。牝牛木柴。春冬一百五十斤。夏秋一百三十斤。淨冰十塊。○禘祭前期

祇告

太廟後殿

中殿用細沈速香十四兩。粗沈速香十四兩。細塊沈香
白檀香沈速香三樣。計重四兩。十兩重挂紅白
蠟燭二十八枝。五兩重二十八枝。三兩重白蠟
燭五枝。一斤重黃蠟燭八枝。二兩重八十六枝。
奉先制帛四十端。鹿一隻。兔十四隻。紅棗二十
六斤。四兩。葡萄二十四斤。八兩。榛二十四斤。八
兩。核桃二十四斤。八兩。蓮子二十四斤。八兩。酒
一百二十瓶。每瓶一斤十二兩。木柴一百四十

斤。木炭五斤。蘆葦一百三十斤。○元旦

萬壽聖節祇告

太廟後殿。每祭用圓柱沈速香四炷。沈速塊香二百塊。細沈速香四兩。粗沈速香十兩。細塊沈香白檀香速香三樣。計重四兩。十兩重挂紅白蠟燭八枝。五兩重八枝。十兩重挂紅墩子白蠟燭八枝。三兩重白蠟燭二枝。正月用一斤重黃蠟燭六枝。三兩重四十六枝。二兩重七十枝。十月用一斤重黃蠟燭六枝。二兩重七十枝。奉先制帛八端。羊一隻。豬一口。鹿一隻。兔四隻。黍米四升。稷

米四升。稻米四升。粱米四升。糗餌粉養稻米二斗。飽食稻米四升。糝食稻米四升。白麩八斤。蕎麥八斤。大白菜十二斤。芽韭四斤。大芹菜六斤。紅棗七斤八兩。栗九斤。榛六斤八兩。菱十一斤。芡十三斤。醃魚十斤。大藁魚四尾。大筍八片。蔥八兩。白糖一斤。梔子二兩。白蜜二兩。正月用酒十六瓶。洗魚酒一瓶。每瓶一斤十二兩。十月用酒六十四瓶。洗魚酒一瓶。每瓶一斤十二兩。正月用木柴二百有十斤。十月用木柴一百五十斤。均用木炭三斤十二兩。鹽甑二斤八兩。白鹽

一斤。蘆葦四十斤。

社稷壇。每祭用方柱降香四炷。塊降香一百六十塊。粗降香一斤十兩。降香丁一兩。細塊沈香白檀香沈速香三樣。計重四兩。六兩重挂紅白蠟燭八枝。三兩重白蠟燭一枝。一斤重黃蠟燭六枝。三兩重六枝。二兩重二十六枝。

親詣行禮。增用五兩重挂紅白蠟燭二枝。三兩重十八枝。二兩重十枝。二兩重黃蠟燭二十枝。黑色禮神制帛四端。牛五隻。

親詣行禮。增用胙牛一隻。羊五隻。豬五口。鹿一隻。兔

四隻。黍米四升。稷米四升。稻米四升。梁米四升。
糗餌粉。養稻米二斗。飽食稻米四升。糝食稻米
四升。白麩八斤。蕎麥八斤。大白菜十二斤。秋則
用小白菜。青韭四斤。大芹菜六斤。秋則用小芹
菜。紅棗七斤八兩。栗九斤。榛六斤八兩。菱十一
斤。芡十三斤。醃魚十斤。大藁魚四尾。小藁魚四
尾。大筍八片。蔥八兩。白糖一斤。梔子二兩。白蜜
二兩。花椒。茴香。蔞蘿各二兩。秋用香油一斤。酒
二十八瓶。洗魚酒一瓶。每瓶一斤十二兩。鹽甌
三斤。白鹽一斤。炭五斤十二兩。春用木柴一千

九十斤。秋用八百五十斤。淨冰四十八塊。牝牛木柴一百五十斤。秋用淨冰十塊。

日壇用圓柱降香一炷。塊降香二十七塊。粗降香一斤十二兩。細降香丁一兩。細塊沈香白檀香沈速香三樣。計重六兩。六兩重挂紅白蠟燭二枝。一斤重黃蠟燭八枝。三兩重八十六枝。二兩重十二枝。

親詣行禮。增用白檀香丁四兩。五兩重挂紅白蠟燭二枝。三兩重十三枝。二兩重六枝。三兩重白蠟燭一枝。赤色禮神制帛一端。牛二隻。

親詣行禮。增用牝牛一隻。羊一隻。豬二口。鹿一隻。兔

一隻。黍米七合。稷米七合。稻米七合。粱米七合。
白麩一斤十二兩。蕎麥一斤十二兩。大白菜二
斤。青韭十四兩。大芹菜一斤四兩。紅棗一斤十
二兩。粟二斤二兩。榛一斤十兩。菱二斤十二兩。
芡三斤四兩。醃魚二斤八兩。大鯿魚一尾。小鯿
魚一尾。大筍二片。蔥二兩。白糖四兩。花椒茴香
蔣蘿各五錢。酒六瓶。洗魚酒一瓶。每瓶重一斤
十二兩。鹽甯十兩。白鹽八兩。木柴三百八十斤。
木炭五斤四兩。蘆葦二十斤。牝牛木柴一百五

十斤。

月壇用圓柱降香二炷。塊降香四十九塊。細降香丁二兩。粗降香一斤十二兩。細塊沈香白檀香沈速香三樣。計重六兩。六兩重挂紅白蠟燭四枝。一斤重黃蠟燭八枝。三兩重十六枝。二兩重七十六枝。

親詣行禮。增用細檀香丁四兩。五兩重挂紅白蠟燭二枝。三兩重十五枝。二兩重四枝。白色禮神制帛八端。青黃赤黑禮神制帛各一端。牛三隻。

親詣行禮。增用胙牛一隻。羊二隻。豬三口。鹿一隻。兔

二隻。黍米一升四合。稷米一升四合。稻米一升四合。梁米一升四合。白麩三斤八兩。蕎麥三斤八兩。小白菜四斤。青韭一斤十二兩。小芹菜二斤八兩。紅棗三斤八兩。栗四斤四兩。榛三斤四兩。菱五斤八兩。芡六斤八兩。醃魚五斤。大蘆魚二尾。小蘆魚二尾。大筍四片。蔥四兩。白糖八兩。花椒。茴香。蒔蘿各一兩。香油一斤。酒十瓶。洗魚酒一瓶。每瓶一斤十二兩。鹽靴一斤四兩。白鹽八兩。木柴四百七十五斤。木炭五斤八兩。淨冰二十四塊。蘆葦二十斤。牝牛木柴一百三十斤。

淨冰十塊。

先農壇用圓柱降香一炷。塊降香四十塊。粗降香二斤二兩。細塊沈香白檀香沈速香三樣計重八兩。降香丁一兩。六兩重挂紅白蠟燭二枝。一斤重黃蠟燭四枝。三兩重十六枝。二兩重三十三枝。

親詣行禮。增用圓柱降香一炷。塊降香四十塊。細檀香丁四兩。五兩重挂紅白蠟燭四枝。三兩重十二枝。二兩重十枝。三兩重白蠟燭一枝。一斤重黃蠟燭二枝。六兩重二枝。三兩重四十二枝。減

用二兩重黃蠟燭二十一枝。青色禮神制帛一
端。牛二隻。

親詣行禮。增用胙牛一隻。羊一隻。豬二口。鹿一隻。兔
一隻。黍米七合。稷米七合。稻米七合。粱米七合。
白麩一斤十二兩。蕎麥一斤十二兩。大白菜二
斤。青韭十四兩。大芹菜一斤四兩。紅棗一斤十
四兩。栗二斤四兩。榛一斤十兩。菱二斤十二兩。
芡三斤四兩。醢魚三斤八兩。大鯿魚一尾。小鯿
魚一尾。大筍二片。蔥二兩。白糖四兩。花椒茴香
時蘿各五錢。酒六瓶。洗魚酒一瓶。每瓶一斤十

二兩鹽。甑十兩。白鹽八兩。木柴三百八十斤。木炭八斤八兩。牝牛木柴一百五十斤。

先蠶壇。用圓柱降香一炷。塊降香四十塊。細降香丁一兩。粗降香一斤四兩。六兩重挂紅白蠟燭二枝。一斤重黃蠟燭四枝。三兩重一百二十六枝。二兩重六枝。三兩重黃蠟燭一百一十枝。

皇后親詣行禮。增用二兩重黃蠟燭一百十六枝。天青色禮神制帛一端。牛二隻。

皇后親詣行禮。增用牝牛一隻。羊一隻。豬二口。鹿一隻。兔一隻。黍米七合。稷米七合。稻米七合。梁米

七合。白麩一斤十二兩。蕎麩一斤十二兩。大白菜二斤。青韭十四兩。大芹菜一斤四兩。紅棗一斤十四兩。栗二斤四兩。榛一斤十兩。菱二斤十二兩。芡三斤四兩。醢魚三斤八兩。大藁魚一尾。小藁魚一尾。大筍二片。蔥二兩。白糖四兩。花椒。蒔蘿各五錢。酒六瓶。洗魚酒一瓶。每瓶一斤十二兩。鹽甑十兩。白鹽八兩。木柴五百三十斤。遣官減用胙牛木柴一百五十斤。

帝王廟。每祭用圓柱降香二十六炷。降香丁二斤七兩。粗降香二斤七兩。檀香四兩。六兩重黃蠟燭。

三十六枝。三兩重六十五枝。二兩重八十四枝。
親詣行禮。增用白檀香丁四兩。五兩重挂紅白蠟燭
四枝。十兩重六枝。六兩重三十枝。三兩重二十
六枝。二兩重十枝。三兩重白蠟燭一枝。三兩重
黃蠟燭四十二枝。二兩重八枝。一斤重黃蠟燭
六枝。減用六兩重黃蠟燭二枝。白色禮神制帛
一百八十八端。素帛八十一端。牛八隻。

親詣行禮。增用胙牛一隻。羊十一隻。豬十四口。鹿二
隻。兔十八隻。黍米二斗六合。稷米二斗六合。稻
米二斗六合。梁米二斗六合。白麩三十一斤八

兩。蕎麥三十一斤八兩。大白菜七十六斤。秋則用小白菜。青韭三十三斤四兩。秋則用芽韭。大芹菜四十七斤八兩。秋則用小芹菜。紅棗六十六斤八兩。粟八十斤十二兩。榛二十九斤四兩。菱四十九斤八兩。芡五十八斤八兩。醢魚四十五斤。大藁魚十八尾。小藁魚七尾。大筍三十六片。蔥四斤十二兩。白糖四斤八兩。花椒茴香。蒔蘿各九兩。香油二斤四兩。酒六十六瓶。洗魚酒二瓶。每瓶一斤十二兩。鹽甑十六斤十四兩。白鹽二斤。木炭十五斤。焚帛楊木柴六十斤。松木

柴六十斤。春用木柴二千五百有七斤。秋用一千九百十七斤。淨冰三十塊。胙牛木柴一百五十斤。

先師廟。每祭用圓柱降香三十六炷。粗降香九斤十二兩。細降香丁二斤二兩五錢。檀香四兩。六兩。重黃蠟燭十六枝。三兩重四十八枝。二兩重二百八十八枝。一兩重九枝。

親詣行禮。增用白檀香丁四兩。塊降香四十塊。五兩。重挂紅白蠟燭十六枝。三兩重四枝。二兩重黃蠟燭六枝。一斤重二枝。三兩重白蠟燭一枝。三

兩重黃蠟燭二百一十枝。減用二兩重黃蠟燭
一百九十八枝。白色禮神制帛三十三端。牛二
隻。羊二十二隻。豬二十五口。鹿三隻。兔十隻。黍
米七升。稷米四斗四升六合。稻米四斗四升六
合。梁米七升。白麩一斤十二兩。蕎麥一斤十二
兩。大白菜二百八斤。秋則用小白菜。青韭九十
一斤。大芹菜十二斤八兩。秋則用小芹菜。紅棗
一百八十二斤。栗二百三十斤。榛十六斤四兩。
菱二十七斤八兩。芡三十二斤八兩。醢魚二十
五斤。大葉魚十尾。小葉魚十尾。大筍二十片。蔥

十三斤。白糖四兩。花椒。茴香。時蘿各五兩。秋用香油三斤。酒七十四瓶。洗魚酒二瓶。每瓶一斤十二兩。鹽。靛三十六斤十四兩。白鹽一斤。春用木柴二千二百六十六斤。秋用木柴一千七百有一斤。淨冰一百二十塊。蘆葦一百斤。

關帝廟。每祭用圓柱降香四炷。細降香丁六兩。檀香四兩。六兩重黃蠟燭二枝。三兩重六枝。二兩重二十四枝。白色禮神制帛四端。春秋用牛二隻。羊四隻。豬五口。鹿一隻。兔四隻。黍米二升八合。稷米二升八合。稻米二升八合。梁米二升八合。

白麩一斤十二兩。蕎麥一斤十二兩。大白菜八斤。秋則用小白菜。青韭三斤八兩。大芹菜五斤。秋則用小芹菜。紅棗七斤。粟八斤八兩。榛十斤八兩。菱十一斤。芡十三斤。醃魚十斤。大藁魚四尾。小藁魚四尾。大筍八片。蔥八兩。白糖四兩。花椒。茴香。蒔蘿各五錢。酒十瓶。洗魚酒一瓶。每瓶一斤十二兩。鹽甑二斤二兩。白鹽八兩。木炭一斤八兩。蘆葦十五斤。春用木柴六百五十斤。秋用四百九十斤。五月十三日用牛一隻。羊四隻。豬四口。鹿一隻。兔四隻。紅棗二十斤。核桃三十

二斤。粟二十四斤。荔枝十二斤。龍眼十二斤。酒
十瓶。淨冰三十塊。木柴三百斤。

文昌廟。每祭用圓柱降香二炷。細降香丁三兩。檀香
四兩。六兩重黃蠟燭二枝。三兩重二枝。二兩重
二十四枝。白色禮神制帛二端。春秋用牛二隻。
羊二隻。豬三口。鹿一隻。兔二隻。黍米一升四合。
稷米一升四合。稻米一升四合。梁米一升四合。
白麩一斤十二兩。蕎麥一斤十二兩。大白菜四
斤。秋則用小白菜。青韭一斤十二兩。大芹菜二
斤八兩。秋則用小芹菜。紅棗三斤八兩。粟四斤

四兩。菱五斤。八兩。榛五斤。四兩。芡六斤。八兩。醢魚五斤。大藁魚二尾。小藁魚二尾。大筍四片。蔥四兩。白糖八兩。花椒。茴香。蒔蘿各五錢。酒六瓶。洗魚酒一瓶。每瓶一斤十二兩。鹽甑十四兩。白鹽八兩。木炭一斤。蘆葦十五斤。春用木柴四百七十斤。秋用三百六十五斤。淨冰十六塊。二月初三日用牛一隻。羊二隻。豬二口。鹿一隻。兔二隻。紅棗十斤。核桃十六斤。栗十二斤。荔枝六斤。龍眼六斤。酒六瓶。木柴二百斤。

太歲壇。每祭用圓柱降香五炷。塊降香二十塊。細降

香丁六兩。粗降香一斤。檀香四兩。六兩重黃蠟
燭十八枝。三兩重九枝。二兩重二十二枝。白色
禮神制帛十三端。牛六隻。羊五隻。豬六口。鹿一
隻。兔五隻。黍米三升五合。稷米三升五合。稻米
三升五合。梁米三升五合。白麩八斤十二兩。蕎
麩八斤十二兩。大白菜十斤。芽韭四斤六兩。大
芹菜六斤四兩。紅棗八斤十二兩。粟十斤十兩。
榛八斤二兩。菱十三斤十二兩。芡十六斤四兩。
醢魚十二斤八兩。大鯿魚五尾。小鯿魚五尾。大
筍十片。蔥十兩。白糖一斤四兩。花椒。茴香。時蔬。

各五錢。酒二十二瓶。洗魚酒一瓶。每瓶一斤。十
二兩。鹽甆三斤二兩。白鹽八兩。木柴一千二百
八十斤。木炭三斤八兩。蘆葦六十五斤。

先醫廟。每祭用圓柱降香七炷。降香丁十兩五錢。粗
降香八兩。檀香四兩。六兩重黃蠟燭十枝。三兩
重五枝。二兩重二十五枝。白色禮神制帛三端。
素帛四端。牛二隻。羊三隻。豬六口。鹿一隻。兔十
一隻。黍米五升五合。稷米五升五合。稻米五升
五合。梁米五升五合。白麩八斤十二兩。蕎麥八
斤十二兩。大白菜二十二斤。青韭四斤六兩。冬

則用芽韭。大芹菜十三斤。十二兩。紅棗十九斤。四兩。栗二十斤。六兩。菱十三斤。十二兩。榛八斤。二兩。芡十六斤。四兩。醃魚十二斤。八兩。大藁魚五尾。小藁魚五尾。大筍十片。蔥一斤。六兩。白糖一斤。四兩。花椒。茴香。時蘿各五錢。酒十六瓶。洗魚酒一瓶。每瓶一斤。十二兩。鹽甌五斤。十兩。白鹽八兩。木炭三斤。四兩。木柴七百七十四斤。蘆葦四十斤。

火神廟用圓柱降香一炷。降香丁一兩。五錢。檀香四兩。六兩。重黃蠟燭二枝。三兩。重二枝。二兩。重

十八枝。赤色禮神制帛一端。牛一隻。羊一隻。豬
一口。紅棗五斤。核桃六斤。栗六斤。荔枝三斤。龍
眼三斤。酒四瓶。每瓶一斤十二兩。木柴一百五
十斤。木炭十二兩。淨冰二十塊。蘆葦十斤。